

<https://essaillon-sederon.net/Un-vilage-pas-liuen>

Lou Trepoun 22

Un vilage pas liuen

- Lou Trepoun - Lou Trepoun de 20 à 29 - Lou Trepoun 22, Jun-1997 -

Publication date: dimanche 29 septembre 2013

Creation date: juin 1997

Copyright © L'Essaillon - Tous droits réservés

Lou Pelous di Quatre-Caire, à Caroumb, es un brave pepèi que, de sa vido vidanto, a jamai mes lou pèd foro de souri vilage.

Un jour, à força d'entèndre parla de Carpentras -- la vilo, coume dison -- de si bèus oustau, de sa carriero vitrado, de soun camin de ferre, ié prenguè l'envejo de poussa jusqu'aquí. E vague d'enrega lou camin de Mèso !

Ero pas à la granjo di Piboulo, lou bon vièi, que poudié plus se teni de faire tuba la pipa. Mai la bisa, se capitavo, boufavo à vous leva li tacho di sabato. Coume faire per atuba la pipa ? Sabès que lou meïour biais es encaro de se vira dòu coustat dòu vènt e de se faire uno sousto emé li dos man pèr apara la brouqueto... Ansin fai lou Pelous.

Lou cachimbau abra, lou tòti oubliado qu'a vira lou quiéu à la vilo, e plan-plan s'adraïo davans éu, revenant sus si pas sènso n'agué doutanço.

Quand arribo vers la Patino : Hòu ! fai, tè, siés tout-aro arriba.

Vaqui Carpentras sus lou serre ! Mai me sèmblo que me l'an bougramen vanta. E vese ges de diferènci emè Caroumb !

N'èi qu'en se vesènt davans soun oustau que coumprenquè que s'èro engana. Mai jamai a pouscu s'imagina coume acà s'èro passa.

LOU CASCARELET
ARMANA PROUVENÇAU
1904

[Lire la traduction](#)